



Na osnovu člana 20. i 30. Statuta Fonda "Bošnjaci", Pravilnika o dodjeli stipendija učenicima i studentima u Bosni i Hercegovini i Odluke Upravnog odbora, Fond "Bošnjaci" raspisuje

KONKURS

za dodjelu stipendija za školsku/akademsku 2025/26. godinu

Član 1.

U školskoj/akademskoj 2025/26. godini Fond "Bošnjaci" dodjeljuje **66 (šezdeset šest) stipendija**, i to:

1. 50 (pedeset) stipendija studentima na javnim visokoškolskim ustanovama, od čega:

- a) **40 stipendija** redovnim studentima na prvom ciklusu studija,
- b) **10 stipendija** redovnim studentima na drugom ciklusu studija.

2. 16 (šesnaest) stipendija učenicima srednjih škola (po prijedlogu škola, u skladu sa Pravilnikom i kriterijima Fonda):

- a) Prva bošnjačka gimnazija u Sarajevu 5 stipendija,
- b) Gazi Husrev-begova medresa u Sarajevu 5 stipendija,
- c) Elči Ibrahim-pašina medresa u Travniku 1 stipendiju,
- d) Behram-begova medresa u Tuzli 1 stipendiju,
- e) Karađoz-begova medresa u Mostaru 1 stipendiju,
- f) Medresa "Osman ef. Redžović" u Visokom 1 stipendiju,
- g) Medresa "Džemaludin ef. Čaušević" u Cazinu 1 stipendiju i
- h) Medresa "Reis Ibrahim ef. Maglajlić" u Banjoj Luci 1 stipendiju.

Član 2.

Stipendije se dodjeljuju za školsku/akademsku 2025/26. godinu u mjesečnim iznosima od po:

- a) 150,00 KM za učenike srednjih škola u trajanju od 9 mjeseci,
- b) 200,00 KM za studente na prvom i drugom ciklusu studija u trajanju od 9 mjeseci,
- c) 250,00 KM za studente na prvom i drugom ciklusu studija sa prosječnom ocjenom 10,00 u trajanju od 9 mjeseci.

Član 3.

Tri stipendije iz člana 1., stav 1. pod a) će biti dodijeljene studentima Fakulteta islamskih nauka u Sarajevu, *po prijedlogu fakulteta, u skladu sa Pravilnikom i kriterijima Fonda.*

Član 4.

Opći kriteriji za dodjelu stipendija:

- a) da je kandidat državljanin Bosne i Hercegovine,
- b) da ima prebivalište na teritoriji Bosne i Hercegovine,
- c) da je redovan učenik Prve bošnjačke gimnazije ili jedne od medresa u Bosni i Hercegovini,
- d) da je redovan student na jednoj od javnih visokoškolskih ustanova u Bosni i Hercegovini,
- e) da nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica,
- f) da na dan objavljivanja konkursa učenik nije stariji od 19, a student od 26 godina života i
- g) da kandidat ispunjava opće uslove iz Vakufname.

Član 5.

Posebni kriteriji za dodjelu stipendija:

- a) da je učenik odnosno student prve godine studija u prethodnoj školskoj godini ostvario **prosjeck ocjena najmanje 4,50**,
- b) da je student prvog ciklusa studija u prethodnoj akademskoj godini ostvario **prosjeck ocjena najmanje 8,00**,
- c) da je student na drugom ciklusu studija u završnoj godini prvog ciklusa, odnosno prvoj godini drugog ciklusa studija ostvario **prosjeck ocjena najmanje 9,00**,
- d) da niko od članova uže porodice nije korisnik stipendije Fonda "Bošnjaci",
- e) da kandidat nema status apsolventa,
- f) da nije u radnom odnosu i
- g) da ne obnavlja godinu.

Član 6.

Sastavni dio konkursa je **sistem bodovanja kandidata za dodjelu stipendija (Obrazac: SBFB-1)** koji se može preuzeti na internet stranici **www.fondbosnjaci.co.ba**

Član 7.

Kao dokaze za ispunjavanje kriterija kandidati **putem online Aplikacije za dodjelu stipendije** prilažu, **skenirane u PDF formatu (do 3 MB po fajlu)**, originale ili ovjerene fotokopije sljedećih dokumenata:

1. Opća dokumentacija:

- a) uvjerenje o državljanstvu,
- b) uvjerenje o redovnom upisu u tekuću školsku/akademsku godinu,
- c) pismena izjava da kandidat nije i da neće biti korisnik druge stipendije, kredita ili drugog oblika novčane naknade koja ima obilježje stipendije ukoliko u školskoj/akademske 2025/26. godini ostvari pravo na stipendiju Fonda "Bošnjaci" i
- d) pismena izjava kojom se, u skladu sa Zakonom o zaštiti ličnih podataka ("Službeni glasnik BiH" broj: 49/06, 76/11 i 89/11), daje saglasnost Fondu "Bošnjaci" za obradu ličnih podataka prilikom i nakon provođenja konkursne procedure za stipendiranje učenika i studenata u školskoj/akademske 2025/26. godini.

2. Dokumentacija koja se boduje:

- a) uvjerenje o položenim ispitima iz prethodne školske/akademske godine s izračunatim prosjekom ocjena na dvije decimale,
- b) studenti prve godine studija prilažu ovjerenu fotokopiju svjedodžbe završnog razreda srednje škole kao i odgovarajući dokaz ukoliko su dobitnici priznanja "Učenik generacije", "Ponos generacije" ili prosjek ocjena 5,00 tokom cijelog srednjoškolskog obrazovanja,
- c) studenti prve godine drugog ciklusa studija prilažu ovjerenu fotokopiju uvjerenja o položenim ispitima iz završne godine prvog ciklusa studija s izračunatim prosjekom ocjena na dvije decimale,
- d) dokaz za osvojeno prvo, drugo ili treće mjesto na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici u prethodnoj školskoj/akademske godini u organizaciji ili posredstvom nadležnog ministarstva obrazovanja (*dokazi sa međunarodnih takmičenja moraju biti zvanično prevedeni na Bosanski jezik*),
- e) diplomu Rijaseta Islamske zajednice u Bosni i Hercegovini o položenom hifzu,
- f) kućnu listu,
- g) dokazi o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene isključivo platna lista za posljednji mjesec iz koje se vide stvarna primanja, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva mlađe od šest godina starosti izvod iz matične knjige rođenih),
- h) dokazi da punoljetni članovi porodičnog domaćinstva (izuzev onih koji imaju status redovnog učenika ili studenta) imaju ili nemaju samostalnu privrednu djelatnost (uvjerenje Porezne uprave ili drugog nadležnog organa na osnovu kojeg se vidi da li se vode ili ne vode u registru poreznih obveznika kao poduzetnici, odnosno da li su ili nisu prijavljeni u jedinstveni sistem za registraciju, kontrolu i naplatu doprinosa kao obveznici po bilo kom osnovu s iskazanim mjesečnim odnosno godišnjim prihodima),
- i) dokazi za roditelje: dijete bez jednog ili oba roditelja (izvod iz matične knjige umrlih), dokaz o učešću u odbrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja (preko 60% odnosno 80%),
- j) dokaz o ličnom invaliditetu kandidata za dodjelu stipendije (preko 60%) i
- k) dokaze o redovnom školovanju učenika odnosno studenata u porodici.

Član 8.

Redovni studenti prvog i drugog ciklusa studija **sa prosječnom ocjenom 10,00 ostvaruju bezuslovno pravo** na stipendiju ukoliko ispunjavaju opće kriterije iz člana 4. konkursa.

Kandidati sa prosječnom ocjenom 10,00 dužni su uz prijavu priložiti samo opću dokumentaciju iz člana 7. i uvjerenje o položenim ispitima iz prethodne akademske godine.

U slučaju prijave više od 10 kandidata sa prosječnom ocjenom 10,00, na drugom ciklusu studija, rangiranje kandidata će se vršiti po redoslijedu prijema prijava.

Član 9.

Komisija za utvrđivanje prijedloga kandidata za dodjelu stipendija utvrđuje blagovremenost dostavljenih prijava, kompletnost i validnost dokumentacije, ispunjavanje općih i posebnih uslova i kriterija propisanih konkursom i Pravilnikom. Vršiti provjeru automatskog bodovanja kandidata procesuiranih **Aplikacijom za dodjelu stipendija** i dr.

Tokom obrade podnesenih prijava Komisija može od kandidata ili nadležnih organa zatražiti dodatna pojašnjenja i dokumentaciju.

Član 10.

Komisija utvrđuje sljedeću vrstu i broj bodova za kandidata na osnovu:

- a) postignutih rezultata u učenju, takmičenjima i položenom hifzu,
- b) prosječnih primanja po članu domaćinstva, socijalnog statusa kandidata i njegove porodice,
- c) broja učenika/studenata u porodici i
- d) dosadašnjeg korištenja stipendije (Pravo na bodove po ovom osnovu ostvaruju dosadašnji stipendisti koji su ispunili obaveze iz člana 5. Ugovora o stipendiranju. Stipendisti koji nisu ispunili obaveze iz člana 5. Ugovora gube pravo na bodove po ovom osnovu).

Za studente prve godine studija prosjek ocjena se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

Za studente prve godine drugog ciklusa studija prosjek ocjena se uzima iz završne godine prvog ciklusa studija.

Član 11.

U slučaju da dva ili više kandidata imaju isti broj bodova, prednost imaju:

- a) kandidati sa većim brojem bodova po osnovu prosjeka ocjena,
- b) dosadašnji stipendisti Fonda "Bošnjaci",
- c) kandidati na višim godinama studija.

Član 12.

Krajnji rok za podnošenje prijave je **06. novembar 2025. godine do 12:00 sati**.

Neblagovremene i nepotpune prijave Komisija neće uzimati u razmatranje.

Član 13.

Kandidat koji konkuriše za dodjelu stipendije će, putem e-maila, dobiti potvrdu prijave i šifru koja će na preliminarnim i konačnim rang-listama biti objavljena umjesto njegovog imena i prezimena.

Preliminarne rang-liste će, pod šifrom kandidata, biti objavljene **krajem novembra 2025. godine** na web i facebook stranici Fonda "Bošnjaci" i web portalu Islamske zajednice u Bosni i Hercegovini s ostavljenom mogućnošću ličnog uvida u dokumentaciju i rang-liste kao i mogućnost žalbe Upravnom odboru u roku od 3 dana od dana objave rezultata.

Konačne rang-liste kandidata za dodjelu stipendija će, pod šifrom, biti objavljene na web i facebook stranici Fonda "Bošnjaci" i web portalu IZ u BiH.

Član 14.

S dobitnicima stipendije Fond "Bošnjaci" će zaključiti ugovor o stipendiranju za školsku/akademsku 2025/26. godinu kojim će se regulisati međusobna prava i obaveze.

Član 15.

Fond "Bošnjaci" će jednostrano raskinuti ugovor o stipendiranju ukoliko ustanovi:

- a) da stipendista prima stipendiju, kredit ili drugi oblik novčane naknade koja ima obilježje stipendije od nekog drugog pravnog ili fizičkog lica,
- b) da je stipendista ostvario pravo na stipendiju na bazi netačnih odnosno neistinitih podataka,
- c) da je napustio redovno školovanje ili izgubio pravo na njega,
- d) da se ne odaziva na pozive za učešće u realizaciji planiranih aktivnosti Fonda "Bošnjaci" i
- e) da se ne oglašava na dopise Fonda.

U slučaju jednostranog raskida ugovora o stipendiranju od strane Fonda "Bošnjaci", **stipendista je dužan u cijelosti vratiti primljene stipendije uz trajno gubljenje prava na stipendiju Fonda.**

Prijava za dodjelu stipendije, s dokumentacijom skeniranom u PDF formatu, se podnosi isključivo putem online Aplikacije za dodjelu stipendija.



DIREKTOR

Šahin Kerla, prof.